

BERITA HARIAN

DATE: 19/4/2010

## Rais sempat rakam detik akrab Najib, Obama

BM-18/04/2010

**N**EW YORK: Apabila Perdana Menteri, Datuk Seri Najib Razak dan Presiden Barack Obama menamatkan mesyuarat dua hala pertama mereka di Washington minggu ini, delegasi Malaysia sudah bersiap sedia untuk meninggalkan tempat itu.

Pemangku Menteri Luar, Datuk Seri Dr Rais Yatim yang juga Menteri Penerangan, Komunikasi dan Kebudayaan dan dua kali menjadi Menteri Luar sebelum ini, mengiringi Najib bagi pertemuan bersejarah yang berlangsung selama 40 minit.

"Saya ternampak Presiden Obama memberi isyarat kepada Perdana Menteri sekali lagi. Saya fikir ini adalah satu detik keemasan... kamu tahu cara beliau menepuk Perdana Menteri di belakang, tapi pada masa itu tiada jurugambar," Rais memberitahu Bernama.

Nasib baik, Rais, seorang peminat fotografi, sentiasa membawa sebuah kamera bersama beliau.

"Saya kata 'Mr President, boleh tak kamu tunggu sekejap' dan beliau berkata: 'ya, sudah tentu' dan apabila beliau melihat kamera saya, beliau bersalaman dengan Perdana Menteri dan saya merakamkan gambar mereka berdua yang kelihatan berseri-seri," kata Rais.

Selepas itu, penasihat me-



**GAMBAR** Najib bersalaman dengan Obama yang dirakamkan Rais selepas tamat mesyuarat dua hala di Washington pada Isnin lalu.

dia kepada Najib, Datuk Jaludin Bahaudin mengambil peluang itu dan meminta Obama untuk menandatangani buku hasil karangannya, 'Audacity of Hope' dan Rais terus merakamkan gambar mereka berdua.

"Hanya satu perkara saya terlupa, apabila saya keluar dari pintu itu, saya sedar saya tidak mempunyai gambar

yang diambil dengan Presiden Amerika Syarikat itu," kata Rais sambil tertawa mengingatkan peristiwa itu.

Rais menghasilkan bukunya bertajuk 'Cabinet Governing in Malaysia' pada 2006 dan edisi keduanya akan dikeluarkan tidak lama lagi. Beliau bercadang untuk menyimpan gambar Najib-Obama untuk edisi berikutnya.